

Samoan - Fafine Tusi - Wives Scriptures

Efeso 5:22-24 O ‘outou avā, ia usiusita‘i ia ‘outou lava tane ia fa‘apei o le Ali‘i, 23 auā o le tane o le ulu lea o le avā, fa‘apei o Keriso fo‘i o le ulu, ma o le Fa‘aola fo‘i o le ekalesia, o Iona tino lea. 24 O le mea lea, fa‘apei ‘ona usiusita‘i o le ekalesia ‘iā Keriso, ia fa‘apea fo‘i ‘ona usiusita‘i avā ‘iā latou lava tane i mea uma lava.

Efeso 5:31,33 Fa‘apei ‘ona fai mai o le Tusi, “O le mea lea e tu‘ua ai e le tane Iona tamā ma Iona tinā, ‘ae fa‘atasi ma lana avā, ‘ona ‘avea ai lea o i lā‘ua ma tino e tasi.” 33 A o ‘outou, ia ta‘ito‘atasi ‘outou ma alofa i lana avā fa‘apei o ia lava, ma ‘ia fa‘aalia atu fo‘i e le avā le fa‘aaloalo i lana tane.

1 Korinito 7:3-5 E ao i le tane ‘ona tu‘uina atu i lana avā le mea e tatau ‘iā te ia, ma ‘ia fa‘apea fo‘i i le avā ‘ona tu‘uina atu i lana tane le mea e tatau ‘iā te ia. 4 E lē pule le avā i lona lava tino, a o le tane; e fa‘apea fo‘i i le tane ‘ona lē pule o ia i lona lava tino, a o le avā. 5 ‘Aua ne‘i fa‘afiti le isi i le isi, vaganā ‘ua malilie fa‘atasi ‘oulua i sina taimi, ‘ina ‘ia ‘oulua fa‘asaga atu i le anapogi ma le tatalo; ‘ona toe fa‘atasi ai lea, ‘ina ne‘i fa‘aososo ane Satani ‘iā te ‘oulua ‘ona o lo ‘oulua lē mafaia ‘ona pulea ‘oulua lava.

1 Korinito 7:34 o lē ‘ua vaeluaina Iona mafaufau? ‘Ua popole le tama‘ita‘i po o le teine e le‘i fa‘aipoipo i mea a le Ali‘i, ‘ina ‘ia pa‘ia o ia i le tino ma le agaga; a o le fafine fa‘aipoipo e popole o ia i mea o le lalolagi, pe fa‘apefea ‘ona fa‘amalie e ia lana tane.

Kolose 3:18 O ‘outou fafine, ‘ia ‘outou usiusita‘i ia ‘outou lava tane, pei ‘ona tatau i le Ali‘i.

1 Timoteo 2:11-15 E tatau i fafine ‘ona a‘oa‘oina ia filemū ma usiusita‘i. 12 ‘Ou te lē fa‘atagaina fafine e a‘oa‘o atu pe pule fo‘i i tane; a ‘ia nonofa filemū lava. 13 Auā na muamua ‘ona faia o Atamu ‘ae mulimuli Eva, 14 e le‘i ‘olegia Atamu a o le fafine, ma ‘ua agasala ai o ia. 15 ‘Ae peita‘i o le a fa‘aolaina fafine ‘ona o i latou e fānanau mai ai tamaiti, pe ‘āfai e tumau pea i latou i le fa‘atuatua, ma le alofa, ma le pa‘ia ‘atoa ma le lē gaoiā.

Kenese 3:16 Ua fetalai atu o ia i le fafine, Ou te matuā faateleina le tiga o lou ma‘i to; e te fanau mai tama ma le tiga; e uai atu lou manao i lau tane, e pule foi o ia ia te oe.

1 Peteru 3:1-6 ‘la fa‘apea fo‘i ‘outou avā, ia usiusita‘i ia ‘outou tane, auā ‘āfai o i ai ni tane e lē talitonu i le ‘upu, ‘ia ‘outou taumafai ia maua i latou i la ‘outou amiolelei e aunoa ma sa ‘outou ‘upu, 2 pe a va‘ai ane i latou i la ‘outou amio mamā ma le fa‘aaloalo. 3 ‘Aua le faia i mea va‘aia i fafo a ‘outou teuga e pei o le teuina o le lauulu, ma le teuteu i auro ma ‘ofu. 4 ‘Ae peita‘i, ia fa‘aalia lo ‘outou matagofie i totonu o ‘outou loto, o le mea e lē pala, o le agamalū ma le filemū, o le mea tau tele i luma o le silafaga a le

Atua. 5 Auā sa fa'apea fo'i 'ona teuteu o fafine pa'ia anamua, o ē na fa'amoemoe i le Atua, sa teuteu i latou lava ma sa usiusita'i fo'i 'iā latou lava tane. 6 Sa fa'apea lava Sara, na usiusita'i 'iā Aperaamo, na ia ta'ua o ia, "O lo'u matai." 'Ua 'avea nei 'outou ma ana tama pe 'āfai tou te faia mea lelei ma le lē mata'u i se mea.

Tito 2:1-5 'Ia e tautala atu i le a'oa'oga e ola ai. 2 'Ia fai atu i toeaina ia fa'autauta, ia mataala, ia pulea lelei le amio, ia fa'amaoni i le fa'atuatua ma le alofa ma le 'onosa'i. 3 'Ia fa'apenā fo'i i lo'omatutua, ia ola i latou i se olaga pa'ia. 'Aua ne'i fa'atuaupua pe fa'apologaina i uaina; a 'ia fai ma a'oa'o i mea lelei; 4 'ina 'ia latou a'oa'o atu i fafine laiti, ia alolofa 'iā latou tane ma a latou fānau, 5 ia pulea lelei a latou amio, ma 'ia mamā, ia 'avea ma fafine e tausia lelei o latou 'āiga, o ē e usiusita'i 'iā latou lava tane, 'ina 'ia lē 'upuvaleina le afioga a le Atua.

1 Korinito 11:5-7,10 So o se fafine e tatalo pe vavalō ma Iona ulu e lē ufiufiina, 'ua lē fa'aaloalo i Iona ulu; e tutusa lava lea ma le tafi o Iona lauulu. 6 Auā 'āfai e lē ufiufiina e le fafine Iona ulu, e tatau la 'ona sele mamā Iona lauulu; peita'i 'āfai o se mea e māasiasi ai le fafine, pe 'āfai e sele mamā pe tafi Iona lauulu, 'ona ufiufi lea. 7 E lē tatau i le tane 'ona ufiufi Iona ulu auā o le fa'atusa ma le vi'iga o le Atua o ia; a o le fafine o le vi'iga o ia o le tane. 10 O le mea lea, e tatau ai i le fafine 'ona ufiufi Iona ulu, 'ona o agelu.

Faataoto 12:4 O le avā amino lelei, o le pale lea i lana tane; a o lē faamā, e tusa o ia ma le mea e pala ai ona ivi.

Faataoto 14:1 E taitasi uma fafine popoto ma atoona ae Iona fale; a o le fafina valea na te lepetia ai i ona lima.

Faataoto 19:13 O le atalii valea, o le malaia lea o Iona tamā; o faamisa foi o le avā, o le tutulu soo lea.

Faataoto 21:19 E lelei ona nofo i le vao, a e leaga ona nofo ma le fafine faamisa ma le faaitaitagofie.

Faataoto 21:9; 25:24 E lelei ona nofo i le tumutumu i luga o le fale; a e leaga ona nofo ma le fafine faamisa i le fale tele.

Faataoto 27:15,16 O le tutulu soo i le aso ua, ma le fafine faamisa, e tutusa ia; 16 o le ua nanā e ia le matagi; ma le suāuu o Iona lima taumatau e alaga mai.

Faataoto 31:10-31 O le avā amino lelei, o ai ea se ua maua? e silisili Iona tau i penina. ...